

BOSNA I HERCEGOVINA
Ministarstvo vanjskih poslova



БОСНА И ХЕРЦЕГОВИНА
Министарство иностраних послова

BUDŽET ZA GRAĐANE **2025. GODINA**

Sarajevo, decembar 2025. godine

I ZAKONSKI OSNOV

Ministarstvo vanjskih poslova Bosne i Hercegovine (u daljem tekstu: MVP BiH) je državna institucija nadležna za provođenje utvrđene vanjske politike Bosne i Hercegovine. Aktivnosti MVP BiH su usmjerene na razvoj međunarodnih odnosa u skladu sa stavovima i smjernicama Predsjedništva Bosne i Hercegovine, kao i na promociju i zaštitu vanjskopolitičkih interesa Bosne i Hercegovine i njenih građana.

Nadležnosti MVP BiH su definisane Zakonom o ministarstvima i drugim organima uprave Bosne i Hercegovine („Sl. glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17). U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, MVP BiH utvrđuje prijedlog vanjske politike i sprovodi vanjsku politiku BiH.

Vanjska politika Bosne i Hercegovine usmjerena je ka unapređenju i očuvanju trajnog mira, sigurnosti i stabilnog demokratskog i sveukupnog državnog razvoja, odnosno uključivanju u savremene evropske, političke, ekonomske i sigurnosne integracione tokove.

U cilju promovisanja svojih strateških interesa, prioriteti vanjske politike su:

1. Sigurnost i stabilnost
2. Ekonomski prosperitet
3. Zaštita interesa državljana BiH u inostranstvu i međunarodna saradnja
4. Promocija BiH u svijetu

Stubovi vanjske politike Bosne i Hercegovine su strateški pravci djelovanja, u okviru kojih se radi na ostvarivanju prioriteta i ciljeva vanjske politike, kroz aktivnosti usmjerene prema EU, NATO, regionu, globalnim pitanjima, međunarodnim organizacijama i sl.

Aktivnosti usmjerene na promociju Bosne i Hercegovine, kao partnera u međunarodnim ekonomskim odnosima, omogućiće prijem Bosne i Hercegovine u Svjetsku trgovinsku organizaciju (WTO) i druge međunarodne organizacije i asocijacije.

MVP BiH, kroz diplomatsko-konzularnu mrežu će intenzivnije raditi na poboljšanju imidža BiH na međunarodnom planu kroz:

- Sadržajnije i efikasnije učešće u značajnim međunarodnim događajima;
- Promociju turističkih i poslovnih putovanja u BiH;
- Promociju i razvoj koncepta "zemlje porijekla" za izvoznike roba i usluga;
- Bolji i opsežniji prikaz u međunarodnim medijima;
- Korištenje savremenih komunikacijskih tehnologija za promociju vrijednosti BiH;
- Dalje jačanje kulturnih odnosa s drugim državama i regijama.

Ministarstvo zastupa Bosnu i Hercegovinu u diplomatskim odnosima prema drugim državama u međunarodnim organizacijama i na međunarodnim konferencijama, kao članica ili posmatrač, kroz neposrednu komunikaciju sa diplomatskim i predstavništvima drugih država i misijama međunarodnih organizacija u Bosni i Hercegovini i obavlja stručne poslove u vezi sa tim, a posebno u sklopu sistema Ujedinjenih naroda (UN), Vijeća Evrope (VE), Organizacije za sigurnost i saradnju u Evropi (OSCE), Međunarodne agencije za atomsku energiju (IAEA), Organizacije islamske konferencije (OIC), Pokreta nesvrstanih (NAM) i dr.

Ministarstvo obavlja poslove u vezi sa boravkom i zaštitom prava i interesa državljana Bosne i Hercegovine na stalnom i privremenom boravku u inostranstvu i domaćih pravnih lica u inostranstvu. Podstiče, razvija i koordinira saradnju sa dijasporom iz Bosne i Hercegovine.

Također, u saradnji sa nadležnim ministarstvima i institucijama, prati međunarodna ekonomska kretanja i odnose i obavještava nadležne organe o tome, kao i o ekonomskim odnosima Bosne i Hercegovine sa pojedinim zemljama i regionima.

MVP BiH priprema dokumentaciju, analize, informacije i druge materijale za potrebe Predsjedništva Bosne i Hercegovine, Parlamentarne skupštine BiH, Vijeća ministara BiH i drugih nadležnih državnih organa.

II VIZIJA, MISIJA I CILJEVI MINISTARSTVA VANJSKIH POSLOVA BOSNE I HERCEGOVINE

MISIJA – MVP BiH je nadležno za provođenje utvrđene vanjske politike Bosne i Hercegovine koju obavlja putem diplomatsko-konzularnih predstavništava Bosne i Hercegovine u drugim državama i u/pri međunarodnim organizacijama. Za potrebe Predsjedništva BiH, Parlamentarne skupštine BiH, kao i Vijeća ministara BiH, MVP BiH daje

mišljenje o vanjskopolitičkim interesima Bosne i Hercegovine, kao i prijedloge za pokretanje i razvijanje djelovanja u području vanjske politike i međunarodnih odnosa. MVP BiH predstavlja zemlju u drugim državama i međunarodnim organizacijama i institucijama, štiti interese Bosne i Hercegovine, njenih državljanja i pravnih osoba van Bosne i Hercegovine, razvija prijateljske odnose i saradnju između Bosne i Hercegovine i drugih država na političkom, ekonomskom, kulturno - obrazovnom, naučno – tehničkom, sportskom i informacijskom području, kao i na ostalim područjima od interesa za Bosnu i Hercegovinu.

VIZIJA - Vizija uspješnog djelovanja MVP BiH fokusirana je prema promociji i zaštiti interesa Bosne i Hercegovine u međunarodnim odnosima, uključenosti u svjetska ekonomska pitanja, te aktivnog učešća u odlučivanju o važnim pitanjima, posebno u osiguranju svjetskog mira i mirnog rješavanja međunarodnih kriznih situacija.

Kroz ekonomsku diplomatiju, intenziviranjem aktivnosti te povezivanjem domaće i strane poslovne zajednice, nastoji se unaprijediti trgovinska razmjena sa inostranstvom, a time i ekonomski rast. Ministarstvo koordinira planiranje i provođenje međunarodne razvojne saradnje i humanitarne pomoći. Kulturnom i javnom diplomatijom MVP BiH jača prepoznatljivost Bosne i Hercegovine u Evropi i svijetu. Izgradnja moderne, uspješne i fleksibilne službe vanjskih poslova, prilagođene izazovima vremena u kojem djeluje, sposobne kreirati i provoditi samosvjesnu vanjsku politiku usmjerenu na razvijanje partnerstava i saradnje sa svim državama, a posebno u okviru Evropske unije ima za cilj zaštitu nacionalnih interesa u skladu s temeljnim vrijednostima Ustava BiH.

Srednjoročni cilj MVP BiH je „Sprovođenje spoljne politike Bosne i Hercegovine u svrhu realizacije spoljnopolitičkih ciljeva Bosne i Hercegovine.“

Specifični ciljevi MVP BiH su:


- Unapređenje političkih i ekonomskih odnosa Bosne i Hercegovine
- Unapređenje sistema zaštite i interesa Bosne i Hercegovine, njenih građana i pravnih lica u inostranstvu

III PROGRAMSKO-PROJEKTNA STRUKTURA BUDŽETA

Budžet MVP BiH za 2025. godinu usvojen je u novembru mjesecu. Najveći dio godine, institucije BiH su se finansirale na temelju kvartalnih odluka o privremenom finansiranju što je dovelo u pitanje realizaciju programa i programskih aktivnosti. Funkcionisanje MVP BiH, u takvim uslovima i budžetskim okvirom iz 2024. godine, uslovilo je realizaciju najnužnijih aktivnosti, odnosno onemogućilo sprovođenje planiranih aktivnosti kako u sjedištu MVP BiH tako i u diplomatsko-konzularnoj mreži Bosne i Hercegovine.

Programska struktura Budžeta MVP BiH za 2025. godinu je:


PROGRAMI	IZNOS (KM)	PROCENAT
Provođenje vanjske politike Bosne i Hercegovine	55.096.000	80%
Zastupanje i zaštita prava i interesa građana i pravnih lica Bosne i Hercegovine u inostranstvu i razvoj međunarodno pravne saradnje	13.774.000	20%
UKUPNO:	68.870.000	100%



U decembru mjesecu 2025. godine, u skladu sa odobrenim sredstvima, realizovaće se planirane bilateralne posjete, susreti te političke konsultacije.

Poseban dio sredstava planiran je za aktivnosti na učešću i zastupanju interesa Bosne i Hercegovine u međunarodnim organizacijama i institucijama/povećanje međunarodne vidljivosti Bosne i Hercegovine, u međunarodnim odnosima.

Dio budžeta namijenje je za organizovanje događaja u Bosni i Hercegovini i inostranstvu na koji se pozivaju gosti iz zemalja Evrope i svijeta sa kojima, i na taj način, se jača saradnja i otvaraju mogućnosti za potencijalna ulaganja ili promociju lakšem pristupu bh proizvoda na drugim tržištima. S obzirom na činjenicu da u periodu privremenog finansiranja nije bilo mogućnosti nabavke osnovnih sredstva niti realizacije kapitalnih projekata, period do kraja godine će se iskoristiti za minimalnu nabavku kancelarijskog namještaja, kompjuterske i elektronske opreme u sjedištu i diplomatsko-konzularnim predstavništvima Bosne i Hercegovine, te službenih automobila u diplomatsko-konzularnim predstavništvima BiH, a sve u skladu sa prioritetma i dozvoljenim rokovima za realizaciju nabavki.



Sredstva planirana za kapitalne izdatke, u iznosu od 3% ukupnog budžeta MVP BiH za 2025. godinu, su nedovoljna za obezbjeđenje minimanih radnih uslova zaposlenih.

Do kraja 2025. godine, planirana je nabavka radova vanjskog uređenja objekta u Ambasade BiH u Teheranu koji je, po principu reciprociteta, dat na korištenje BiH na period od 50 godina.



Objekat DKP BiH u Teheranu

Za objekat Ambasade BiH u Oslu, koji je vlasništvo BiH po osnovu sukcesije imovine bivše SFRJ i veoma je stara zgrada, planirana je djelimična rekonstrukcija i adaptacija istog.



Objekat Ambasade BiH u Oslu


Takođe su planirani radovi na objektima ambasada BiH u Vašingtonu, Kanberi i Briselu jer su objekti protekom vremena postali neuslovni za rad - zamjena podova, liftova, izgradnja ograda i kapija i dugo.


S obzirom na činjenicu da Bosna i Hercegovina ima 56 diplomatsko-konzualarnih predstavništava u svijetu, te, u skladu sa odlukama Predsjedništva Bosne i Hercegovine, u narednom periodu planira otvoriti 10 novih DKP BiH, najveći dio raspoloživih sredstava se troši na plate i naknade zaposlenih.

Prema podacima iz Izvještaja za treći kvartal 2025. godine, broj zaposlenih u MVP BiH je 483.

Od ukupnog iznosa budžeta za tekuće troškove, 54,4% se odnosi na finansiranje plata zaposlenih, 19,3% se odnosi na naknade dok na ostale materijalne troškove otpada 26,4%.

Tekući izdaci MVP BiH – 2025 (66.770.000 KM)





Zastupanje i zaštita prava i interesa građana i pravnih lica Bosne i Hercegovine u inostranstvu podrazumijeva, između ostalog:

- pružanje konzularnih usluga građanima Bosne i Hercegovine u inostranstvu i stranim državljanima;
- pružanje usluga na zaštiti prava građana Bosne i Hercegovine u inostranstvu;
- unapređenje sistema zaštite interesa Bosne i Hercegovine, njenih građana i pravnih lica u inostranstvu;
- izdavanje putnih isprava, viza, određivanje i evidentiranje JMB, prijem zahtjeva za odricanje od BH državljanstva, provjere identiteta i državljanstva;
- rješavanje statusnih i socijalna pitanja;
- zaštita interesa i imovine pravnih lica iz Bosne i Hercegovine u inostranstvu;
- saradnja sa počasnim konzulima Bosne i Hercegovine;
- izdavanje sprovednica, upis u matične evidencije i dr.

Uporedbom budžetskih okvira za 2024. i 2025. godinu, evidentno je da je Budžet u 2025. godini povećan za oko 1.461.000 KM u odnosu na 2024. godinu. Tekući izdaci su porasli za 1.499.000 KM, dok su kapitalni izdaci smanjeni za 38.000 KM. Struktura budžeta ostaje slična – preko 95% budžeta odlazi na tekuće rashode.

